



3. Sagardo Apuruaren inaugurazio ekitaldia, abenduaren 4an. GIPUZKOAKO SAGARDOGILEEN ELKARTEA

APURUA, DONOSTIAN

Gipuzkoako Sagardogileen Elkartek antolatu zuen 3. Sagardo Apuruan, uzta berriko sagardoak aurkeztu ziren Donostian, abenduaren 4tik 8ra; sagardotegi-baserri zahar bat eraiki zuten Bulebarrean, eta sagarraren eta sagardoaren kulturari lotutako hainbat ekitaldi egin ziren.

Garai bateko sagardotegi bat eraiki zen Bulebarrean, orduko Donostiako sagardotegi eta baserrien itxura eta giroa zituena. Inaugurazio ekitaldi ofizialean, parte hartu zuten Eusko Jaurlaritzako, Gipuzkoako Foru Aldundiko eta Donostiako Udaleko ordezkariak, Sagardo Apuria antolatzeko elkarlanean aritu ziren beste zenbait eragilarekin eta Gipuzkoako sagardotegietako ordezkariekin batera.

Donostia sagardoaren hiriburua izan baita mende askotan: Donostiako Parte Zaharrean ehun sagardotegitik gora omen ziren aspaldian. Garai haietan, upelak lehenengoz ireki eta dastatzeari deitzen zitzaion *apuria*, irekiera ofizialaren aurretik egiten zen dastatzea-

ri. Hori jakinda, Gipuzkoako Sagardogileen Elkartek ez ezik, Euskal Herriko gainerako sagardogileen elkarteek ere 2016ko sagardo uzta aurkeztu zuten 3. Sagardo Apuruan, Donostian, abenduaren 8an.

Gainera, Sagardo Apururako, Bulebarreko sagardotegian dastatu zen sagardoa Astigarragatik jaitzi zen Donostiara Urumea ibaian zehar, garai batean egiten zen bezala. Horretarako, *alab* bat erabili zuten, garai batean sagardoa eta hainbat lanabes eta material garraiatzeko erabiltzen zen ontzia. Ekin-tza hori, Albaola Itsas Kultur Faktoria-ren, eta Lizeaga eta Petritegi sagardotegien artean burutu zuten. Behin sagardoak Donostiara iritsita, egurrezko garabi baten bitartez, Albaola Itsas

Kultur Faktoriako kideek upelak gurdi batera igo, eta idi pare batek astoen laguntzarekin Bulebarreko baserrira garraiatu zituen.

Sagardo Apuruaren helburua da sagardoaren kultura jendeari zabaltzea, garai bateko ohiturak eta gaur egungo joerak azaltzea, 2016ko uzta berria aurkezte eta hainbat eragileren arteko elkarlana bultzatzea Donostian.

Hainbat ekitaldi

Lehena eta oraina elkartzea ere bada Sagardo Apuruaren asmoa, sagardoaren kultura, ohiturak eta historia eza-gutaraztera. Horrela, sagar eta sagardoaren kulturarekin zerikusia duten hainbat ekitaldi antolatu dira 3. Sagardo Apuruan, Bulebarrean eraiki zen dolare-baserrian: zenbait sagardo dastatzeko aukera izan zen, bertsoez, trikitiaz edo beste hainbat musikaz gozatzeko, herri kirol norgehiagokak ikusteko, eta beste hainbat ekitaldi gozatzeko.

Pintxo lehiaketa bat ere egin zen, lehen aldiz antolatu baitzen Sagardo Apuria Pintxo Txapelketa. Meson Portaletas taberna izan zen irabazlea, bakailaoarekin, onddo nahaskiarekin eta gaztarekin prestatutako pintxo batekin.



Pintxo Txapelketako epaimahailkideak. GIPUZKOAKO SAGARDOGILEEN ELKARTEA

Bisitariei aisialdirako eta sagardo berria dastatzeko aukera ematez gain, Sagardo Apuruari beste zentzu bat ere eman nahi izan diote antolatzaileek. Gipuzkoan, eta, bereziki, Donostiako inguruetan, sagardoak izan duen garrantzia nabarmendu nahi izan dute, sagardoaren kultura sustatu, eta jendeari Gipuzkoa sagardoarekiko lotura estua izan duen herrialde bat dela erakutsi.

Donostian hirugarren aldiz antolatu da Sagardo Apurua, eta urtetik urtera Sagardo Apuruak «gero eta arrakasta handiagoa» duela azpimarratu du Amaia Zubeldiak, Gipuzkoako Sagardogileen Elkartearen kideak.



Pintxo Txapelketako parte hartzaileak. GIPUZKOAKO SAGARDOGILEEN ELKARTEA


ABURUZA
 TOLARE SAGARDOEGIA
 Olatza baserria • ADUNA • 943-69 24 52
Sagardoa natural

Larrarte
 Sagardotegia
MAIATZA BUKAERA ARTE ZABALIK
 Muñagorri Enea • 20115 Astigarraga (Gipuzkoa)
 Tel. 943 55 56 47 • Mobil 679 123 892